

21avels Dis da litteratura a Domat
Dals 4 als 6 da november han lieu ils 21avels Dis da litteratura a Domat en la sala Tircal.

Mancanza da logopeds rumantschs
Logopeds e terapeuts rumantschs èn stgars. Quai resorta dal rapport dal servetsch logopedic.

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuiria, tel. 081 920 07 10, fax 081 920 07 15

950 000 francs per Center da sport e cultura a Mustér

■ (rtr) Ils indriz ordavert dal Center da sport e cultura a Mustér ston vegnir sanads. La supranza communal dumonda in credit da 950 000 francs persuerter. En il credit da 950 000 francs en tranter auter 664 370 francs per sanar la piazza da ballape cun ina cuvrada da pastg artificial. Quella piazza è vegnida construïda il 1993/94.

En il credit èn era 42 000 francs per sanar la piazza da sport cun cuvrada dira sin il teg da la Sala Fontauna ed 82 080 francs per reverder ils indrizs da far glatsch sin ina part da la piazza da ballape. Il cussegl da vischnanca da Mustér ha da decider en sia proxima seduta da quest credit. Il davos pled han lura las votantas ed ils votants da Mustér a l'urna.



Il center cultural, la baselgia San Niclà tanter Ramosch e Martina. FOTO B. STECHER

Ûn lö cultural particular

■ (anr/bcs) La baselgia românica da San Niclà es gnüda fabrichada avant l'on 1200 ed es dedichada a sonch Cristof. Ella ha servi fin dal 1750 sco baselgia per cults divins. Plü tard cun la fabrica da la via vers Martina e schnestra da l'En ha pers San Niclà ed eir la baselgia sia importanza. Ella es gnüda nüzziada ün temp sco stalla e chasa privata e dal 1982 d'eira quella scritta oura per vender. Per cha la baselgia nu gija in mans esters e vegna dovrada sco chasa d'abitar ha üna gruppa d'inizians intuorn il president actual Jachen Erni da Scuol fundà la Fundaziun baselgia San Niclà. Daspö quella jada serva la baselgia per cults divins e per occurenzas culturalas da tuot gener. La baselgia San Niclà es dvantada ils ultims 30 ons ün lö d'inscunter cun taimpra culturala.

> PAGINA 7

Activitats culturalas illa Posta veglia ad Ardez

■ (anr/ads) La Posta veglia ad Ardez es darcheu averta per la publicità. Dumengia passada es statta la preschantaziun da la nouv'ediziun da «Il piz da la corna tschanca» da Jon Demarmels e da purtrets da Madlaina Demarmels. Ill'antieriura ustaria Posta veglia ad Ardez vegnan in avegnir preschantadas activitats culturalas. L'artista Seraina Feuerstein e l'architect Men Duri Arquint han drizzà aint lur ateliers in chasa. Sco avertüra muossan els ün'exposiziun da purtrets da Madlaina Demarmels. Dumengia passada han preschantà Mevina Puorger Pestalozzi e Jachen Curdin Arquint la nouv'ediziun da la tarabla «Il piz da la corna tschanca» da Jon Demarmels.

> PAGINA 7

Tgi succeda a Schmid en la regenza?

La pld survegn concorrenza per il sez en la regenza

DA FLURIN ANDRY / ANR

■ Suenter che Martin Schmid è vegni elegi en il cussegl dals chantuns tschertga la pld grischuna uss in successur. Interress per quel sez han dentant era la pvl e la pps. Ils 29 schaner 2012 vegn elegi il successur dal president da la regenza Martin Schmid. Sonda passada ha annunzià Christian Rathgeb l'interress per il post en la regenza. In ulteriur candidat pussaivel è Rudolf Kunz. Era Tarzsius Caviezel nun ha exclus da candidar per d'averter nov cusseglier guvernativ. Michael Pfäffli, il president da la pld, na fa nagins num: «Glindedi ha scrit la pld grischuna a las partidas localas e cirquitalas d'annunziar candidats che pudessan surpender quel post», di el, «ils 9 november salva la partida alura la radunanza da nominaziun.»

Concorrenza verd-liberala u forse era da la pps

Suenter avair survegnì dad in commember la dumonda d'examinar in'eventuala candidatura verd-liberala per il sez da Schmid vegn la supranza da la pvl glin-



La Partida liberaldemocratica ha gist trais aspirants per la successiun da Martin Schmid en la regenza: da sen. Christian Rathgeb, Tarzsius Caviezel e Rudolf Kunz. FOTOS LG

desdi a discussiunar questa proposta. «En sazez nun avevan nus l'intenziun da candidar per quel post», di il president da la pvl Jürg Kappeler, «ma suenter il success da dumengia regna tar noss commembers uss euforia.» Tenor il president Jon Peider Lemm renconuscha la pps ch'ils

liberals cun la pli gronda fracziun dal parlament grischun hajan il dretg d'avair quest sez en la regenza: «Jau hai però udi e legi che Heinz Brand n'excludia betg ina candidatura, perquai vegnin nus anc a tractar questa dumonda definitivamain.» Per la pbd nun è ina candida-

tura sco che di il president Jon Domenic Parolini nagin tema. Ch'els spetgian ussa tgenins candidats che vegnian nominads, «igl è bain pussaivel che nus vegnin a sustegnair activamain la candidatura da la pld, la quala è en Grischun bain derasada e che fa ina politica constructiva.»

13 puncts per cuschina ed ambient ad Andiaist

■ (anr/gv) Il Hotel Postigliun ad Andiaist ei uonn per l'emprema gada menziunaua el guid dalla bucca fina Gault Millau. Quels puncts han Corina e Guido Sgier meritau da cuminonza. Il cuschinier ei responsabels per la cuschina e sia dunna pigl ambient el local cun plaz per bunamein 40 persunas. Ils 13 puncts ch'els examinaders han dau han ils ustiers dalla ustria dil vitg meritau cun qualitad, creativitat e constanza. Il Hotel Postigliun – da niev valetaus cun treis steilas – ei dapi igl onn 1989 en possess da Guido e Corina Sgier. La cuschina porchina en emprema lingia spisas tradiziunals creativas.

> PAGINA 3



Corina e Guido Sgier ein ils ustiers dil Hotel Postigliun ad Andiaist. Gault Millau ha remunerau la cuschina cun 13 puncts. FOTO G. VENZIN

Exposiziun dallas pli bialas genetschas a Falera

■ (anr/hh) Cun occasiun dalla exposiziun da vaccas e genetschas la sonda vargada a Falera ei era la miss Surselva dallas pli bialas genetschas vegnida tscharnida. L'Alma da Gion Beeli da Sagogn ha acquistau quei tetel e quei suenter es- ser daventada il medem di era miss Planezzas 2011. Ils numeros aspectaturs han saviu con-

templar biaras bialas vaccas e genetschas, partidas en differentsas categorias. Stadas da vesser ein era las pli bialas vaccas e genetschas dallas exposiziuns da Vuorz, Breil, Versomi e Lumnezia. Ellas ein allura semesiradas per las concurrenzas dil Cup Surselva.

> PAGINA 5



Las pli bialas genetschas dalla Surselva han fatg parada a Falera. MAD